



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Concordia. Pia Et Vnanimi Consensv repetita Confessio  
fidei & doctrinæ Electorum, Principvm Et Ordinvm Imperii,  
atq[ue] eorundem Theologorum, qui Augustanam  
Confessionem amplectuntur**

**Lipsiæ, 1606**

Errores Schvvenckfeldianorum.

**urn:nbn:de:hbz:466:1-35443**

XVI. Christum carnem & sanguinem suum non e Maria virgine assumisse: sed de coelo attulisse.

XVII. Christum non esse verum & essentialem Deum: sed duntaxat alios homines multitudine & excellentia donorum & gloria superare.

Hos atq; similes falsos articulos Anabaptistæ profitentur. Et quidem in multas sectas sunt diuisi: & alij plures, alij pauciores religionis errores amplectuntur. Tota verò ipsorum secta nil nisi nouus quidam est Monachismus.

ERRORES SCHVVENCKFELDIANORVM.

**R**eijcimus atq; damnamus etiam Schvvenckfeldianorum errores, quibus docent:

I. Quòd omnes illi non habeant cœlestis regis Christi iam regnantis veram agnitionem, qui sentiunt, Christum secundum carnem seu Christi humanam naturam, esse creaturam. Quòd caro Christi per exaltationem omnes diuinas proprietates ita acceperit, vt iam Christus humanitatis suæ ratione, potentia, virtute, Maiestate, gloria, Patri & æterno Verbo, prorsus gradu, loco, & essentia sit æqualis: ita, vt sit eadem omnino vtriusq; naturæ in Christo **ESSENTIA**, eadem proprietates, vna eademq; voluntas, vna gloria. Quòd denique caro Christi ad **ESSENTIAM** sacrosanctæ **TRINITATIS** pertineat.

II. Quòd ministerium Ecclesiasticum, hoc est, verbum Dei prædicatum & auditum, nò sit medium seu instrumentum, quo Deus Spiritus sanctus homines doceat, & per quod ipsis donet veram Christi agnitionem, poenitentiam & fidem, & quo in ipsis nouam obedientiam operetur.

III. Quòd aqua baptismi non sit medium aut instrumentum, quo Dominus adoptionem filiorum Dei obfignet, & homines regeneret.

Quòd

Quod panis & vinum in sacra Cœna non sint media seu instrumenta, cum quibus Christus corpus & sanguinem suum distribuat.

IV.

Quod homo Christianus verè per Spiritum Dei renatus legem Dei in hac vita perfectè implere possit.

V.

Quod non sit ea vera & Christiana Ecclesia, in qua non externa excommunicatio vigeat, aut in qua non externus ordinarius excommunicationis modus, delectus, & processus obseruetur.

VI.

Quod is Ecclesiæ minister non possit alios salubriter docere, aut sacramenta ritè administrare, qui non ipse sit verè renouatus, iustus & pius.

VII.

## ERRORES NOVORVM ARIANORVM.

**R**eijcimus & damnamus etiam novorum Arianorum impium & blasphemum dogma: quod affirmant, Christum non esse verum, essentialem, naturalem Deum, eiusdem æternæ atq; diuinæ essentiae cum Deo Patre: sed fingunt, eundem tantummodo diuina Maiestate, cum Patre, ornatum: ita vt reuera sit inferior Deo Patre.

## ERRORES NOVORVM ANTITRINITARIORVM.

**Q**UOD Antitrinitarij aliqui vetera, & in Ecclesia Christi approbata Symbola, Nicenum & Athanasianum, tum quoad verba, tum quoad sententiam, repudiant atq; condemnant. Quod iidem hæretici asserunt, non esse vnicam tantum æternam diuinam essentiam, Patris, Filij, & Spiritus sancti: sed, vt tres sunt distinctæ Trinitatis personæ, (videlicet, Deus Pater, Filius, & Spiritus sanctus) ita etiam vnamquamq; personam habere distinctam, & ab alijs personis separatam essentiam. Et alij fingunt, tres illas separatas essentias

I.

(vt aliàs